

48814.

11.

ORBIS ARCTOI
MAGNUM LUMEN
Qvod
**FESTIVĀ NATALI-
TIORUM NOCTE**
Cum nascente nascitur Salvatore
ex Oraculo Jesaiæ
Cap. IX. v. I.
expresso
eruere nititur
M. JACOBUS Wilde.
El. Prof.

R I G Æ,
TYPIS GEORG. MATTH. NÖLLERI.

Am clara & perspicua est æterna



Dei providentia, ut ei obnubilandæ Cimmeriæ non sufficiant tenebræ: Ubiq; enim gentium & entium sua radiat luce: Qvin in cæca caligantis Septentrionis nocte lumen sibi accendit, planè peculiare & admirandum. Qvum enim unaborealis plagæ nox semestres vehat tenebras, nè adsueti tam diuturnæ caligini incolarum oculi, solem, divinæ providentiæ testem, videre dediscent, & in noctuas atq; talpas degenerent, huic meteorum paulò minus clarum substituit, qvod ejus agat vicem: *Eius Species istiusmodi est, ut quò nox obscurior fuerit, eò illud clarius fulgeat: quanto scilicet minus lumen proximè ante vel statim post novilunium falcata luna spargit.* Tanto evidentior illius est forma, semper tamen septentrionem versus, nec enim eò usq; per cælum tendit, ut ab alis, qvām Grænlandia, Islandia & Borealis Norwegia tractus hominibus conspici possit. (a) Fallo, aut hoc arctoi Orbis lumen illius quoq; Divinæ providentiæ index est, qvā *Solis justitiae* (b) salutaris ortus caliginosis superstitionis nebulis discussis, iis præsertim, qui in tenebris ambulant, lumen ingens conspicendum præbuit, qvod super illos rutilat, qui tenebri- cosam incolunt regionem. (c) Utut enim alias in Codice sacro lumen modò *legem* divinam (d) modò *sapientiam* veram (e) denotet; at tamen & hæc non nisi *splendor æterni luminis*, (f) qvodsi Regum sapientissimi verba substanciali, ut loquuntur, sapientiæ vel non applicamus, illaq; non nisi *deus epos* lumen qvod in lumine luminis æterni

(a) Bircherod. in antiqu. Jul. p. 180. ex Petro Claud. Undalensi, vel potius ex antiquo libro, cui tit. *speculum regale*. (b) Mal. 4. v. 2. (c) Jes. 9. v. 1. (d) Prov. 6. v. 23. (e) Sap. 7. v. 10. (f) ibid. v. 26.

terni videtur, (g) utraq; verò luminaris illius magni quasi radius est, qvare signantur hōc ἐπιφέγμα septum in sanctissimi Vatis effato conspicimus, ut, qvò valeat, tanto magis significetur: siqvidem solus aeterni Patris Filius, qui à Virgine natus, tanquam lumen gentium ortu suō omnes collustrat credentes, in facris cum addito lumen, nunc aeternum (h) nunc verum (i) nunc clarum (l) nunc mirificum, (m) nunc ut in nostro, qvod (utinam feliciter!) enucleamus, vaticinio, magnum appellatur. Nec immerito. Ille enim ipse lumen est Pater, in quo mutatio nulla, nulla lucis atq; tenebrarum alternatio est. (n) Sed qvemadmodum à sole reliqua poli luminaria lucem mutuantur; sic ab hoc lumine increato, qvicqvid ubiq; lucet, lucis usuram sortitur: Ejus ortus prorsus admirabilis lumine qvodem stupendo & antehac non viso illustratur, (o) qvin hominibus potius tanquam aureā præluciente aurorā denunciatur; ilustrare enim illustrissimos Salvatoris natales, qvid possit? Sic, cum Paulo innotescere vellet, magnum de cælo lumen eum circumlucens excœcabat, ut cœcutientibus lucem videret oculis, qvam videre aperitis non sustinuit (p) at in passione ejus magnum cœli lumina re eclipsin pariebatur, ut maximum orbis humen occidisse testaretur. (q) Ut exinde pateat, limpidum illud Prophetæ lumen nasciturum de Virgine Dominum præfigire, qui Davidis clari Israëlitarum luminaris (r) filius, promissum illud Davidici solii lumen fuit, (s) etiam N: Testam: loca παραληπα ex Matth. IV. 16. & Luc. I. 78. id non evincerent. Et cui qvæso magni conveniret lumen titulus, nisi illi, cuius admiranda virtus virtuti solis exacte respondet? Hanc enim ingeniosa viri eruditii inventio hoc expressit lemdate: illuminat & obscurat. (t) Solis qvippe radii utrumq; collummate: illuminat & obscurat.

stran-

- (g) Psalm. 36. v. 10. (h) Sap. 7. v. 26. (i) Joh. 1. v. 9. (l) 2. Cor. 4. v. 4.
(m) 1 Pet. 2. v. 9. (n) Jac. 1. v. 17. (o) Matth. 2. v. 9. (p) Act. 9. v. 3.
(q) Luc. 23. v. 44. (r) 2. Sam. 21. v. 17. (s) 1. Reg. 11. v. 36. (t) Picin. m.
S. lib. 1. c. 5. Embl. 150.

strantes orbem, orbum tamen lucis illius, qvam minora spargunt fidera, reddunt, utpote qvæ nostro surripiunt aspectui: Ast subordinis domini lux, qvæ stellas Jucæorum & poli Pharisæi קסלה ס. Oriōna obtenebrat (u) non tantum prima orbis Christiani luminaria illuminat (v) sed totam etiam, qvæ in tenebris ambulat, gentem. Ambulare qvidem sacrō idiotismō ad vitam plerumq; & mores referunt hominum, qvō sensu etiam Propheta in nullius dixit potestate situm esse, qvomodo ambulet. (x) ut proinde in tenebris ambulare non tam φυσικός, qvām θεοῦ dicantur illi, qvibus ingens illud promittitur lumen; siqvidem Jirælitas qvoq;, qvibus sedes tam crassis non obducta tenebris, qvales piger ille Poetes vehit, contigerat, eō ipso, quo claritatem sperabant, tempore, in obscuro ambulare, Jesaias queritur (y) Hoc tamen loco qvid prohibeat, qvò minus vel in propria & innata sibi significatione vocem accipiamus, non video, cum omnes fere, qui magnum illud lumen ac veram Evangelii lucem conspicantur, in tenebris ambulent, &, qvæ est ipsius Prophetæ exegesis, tenebrosum colant regionem. Qvantò enim crebrius & crassioribus nostræ regionis tenebris solem involvit aquilo, tanto clarus nobis affulgit religiosis nostræ lumen, qvod planè pleno nos irradiat jubare, ut nos demum magnum illud vere videre lumen afferere ausim, qvod solis instar omnibus qvividem oritur, sed ab omnibus non conspicitur, cum teterrimis superstitionum nebulis omnium ferè Orientalis plagæ nationum religio obducatur. Difficile qvidem foret, de omni illud ævo asseverare, siqvidem & primâ Christianismi ætate in ipsis quasi Ecclesiæ nascentis cunabulis gentes ex omni terrarum orâ suscipiebantur, teste Luca in actis apostolorum (z) & in seculi hujus consummatione tam ab oriente, qvām ab occidente venturos esse, qui

cum

- (u) Jes. 13. v. 10. (v) Matth. 5. v. 14. (x) Jerem. 10. v. 23. (y) Jes. 59. v. 9.
(z) Act. 2. v. 9. & 41.

cum sanctis Patribus in cœlis considerant, oraculum ex ipso veritatis
ore emissum testatur; (aa) attamen hanc nostram ætate nullibi fer-
mè veræ religionis lucem rutilare videas, nisi apud occidentalis
plagæ incolas: Licet enim hocce fidei fideliumq; lumen gentibus
etiam affulserit orientalibus, nihilominus tamen eis evenit, qvod
illis, qui ægris solem adspicientes oculis, radios, qvibus perstrin-
gitur visus, ferre non possunt, & proinde nequeunt non cœcuti-
re, aquilonis è contrario aquilis irretorto lumine lumen hocce in-
tuentibus. Et qvicquid de magno suo Orientis Apostolo Fran-
cisco Xaverio rasi somnient sacrificuli, qvicquid de Ecclesiis ab
eo fundatis ac plantatis jactent, videntur sane hæ adeò nullas e-
gisse radices, aut fundamento tam debili atq; vago superinstructæ,
ut à levissimo austri eas plagas perplantis fusurro subversæ sint,
siqvidem nulla earum vestigia apud Indos exstant. Qvin esto,
qvod tabula vera sit! ecqvod lumen ab hoc accendi tenebrione
potuit? qvis qvæso pontificiæ superstitionis & Idolatriæ nebula-
lam pro vera Evangelii luce habebit, nisi nubem pro Junone am-
plecti velit? Nostrum verò lumen longè clarus lucet, & nullo
superstitionis involucro incrustatur, postqvam B. ille Megalander
Lutherus omnes disjecit nebulas, & divinô adjutus Numine lu-
men veritatis reduxit, cui papales indulgentiæ tantum non ecli-
psin minitabantur. Hoc ergo lumen cum adhucdum nobis lu-
ceat, qvis neget, adimpletum esse vel in nobis Prophetæ præsa-
grium, qvippe qui in tenebris ambulamus, & tenebrosam incoli-
mus regionem. Qvod si magis propriè videmur verba hujus
Prophetiæ accipere, qvam prophetandi ratio patitur, in mysti-
cam eorum inquirere rationem & significatum licebit, qvomodo
tenebrae modo cœcitatem meam, modo per veritatem voluntatis, mo-
do omnis generis calamitates (bb) &c. notant. Sed & nos tenebras
mortis

(aa) Matth. 8. v. 11. (bb) Raup. in Lexic. bibl. portal. p. m. 741.

mortis (cc) & opera tenebrarum (dd) qvin omnem tenebrarum pote-
statem in nobis habuimus (ee) ac unib; as, plusquam lucem d leximus.
(ff) Qvis itaq; nos in tenebris ambulasse, & eosdem esse, qui ex
Prophetæ asserto tenebricam tenentes regionem ingens viuri e-
rant lumen, constanter negabit? qvis prohibebit, qvò minus in
tenebris ambulantes & sibi ipsi non splendentes, nomini Domini con-
fidant, qvum illi, qui in luce ignis à se accensi ambularunt, suis con-
flagraverint flammis? (gg) Sic enim à Domino jubemur, qui dixit
ad aquilonem: di & austro: nè prohibeas: Adduc filios meos à lon-
ginquo & filias meas ab extremitate terræ. (hh) O ergo felices nos,
qvibus sub occiduo sole, sol illuxit nitidissimus! ô felices, qui so-
lem, injustitiæ nostræ testem, cum Sole justitiae commutamus, qui
nos justificat

Ante fidem solis iudiciumq; poli (ii)

Et hujus Orientis solis cum denuo festivissimum hocce tempus
nos admoneat, qvod Salvatorem ut orbis Christiani Lumen in
præsepi atro atras discutientem tenebras nobis fistit, qvis non vel
maxime lætaretur? Non ausim ego improbare incolarum Ar-
ctoi orbis lætitiam, qvam præ se ferunt, accensis hinc inde
luminibus Luminis atq; Numinis summi recolentes memo-
riam, qvin potius illud ex Viri Celeberrimi antiquitat. Jull. ingemi-
nandum esse duco: *Quid in luce vel superstitionis vel malicie (kk)*
Præsertim qvum limpidissima veritatis lux per Dei gratiam hanc
tempestate per omnem septentrionis plagam radios tam largos
disseminaverit, ut nemo non videat, qvod Luminis Magni expe-
ctatissimus ortus his luminibus qvasi adumbretur, & qvicquid su-
per-

(cc) Joh. 1. v. 5. (dd) Joh. 3. v. 19. (ee) Col. 1. v. 13. (ff) Eph. 5. v. 11.
(gg) Ies. 50. v. 10. & 11. (hh) Iob. 43. v. 6. (ii) Claud. de l V. Hon.
Cons. (kk) Bircherod. 1. c.

perstitionis olim in candelis hisce Juliis notari potuit, unà cum fu-
mo dispreat pereatq; postqvam vanis gentilismi persuationibus
ultimum diximus vale. Ignem enim venienti Regi, facem spon-
so nuptialem præferunt. Nos itaq; lumen illi si non in manu
nostrâ tamen in grato lucens pectore præferimus, & hoc in pri-
mis tempore, qvo atra belli nox nostræ incubat patriæ, validum
exinde capimus solarium, qvod lux militiae dicitur *sol at us* (11)
Qvin & auspicium, si licet, ex eo captabimus, Regem nostrum
Invictissimum, & qvi ejus auspiciis rem gerunt, Christô Duce ac
Luce, tenebras omnes feliciter depulsuros esse; Ita enim ex flam-
ma in castris visâ Romani qvondam augurabantur. (mm) Qvid?
qvod pacem toti regioni nostræ brevi refusuram augurari fusti-
neam, qvum circa Maximi Luminaris ortum olim toti terrarum
orbi, clausis Jani valvis, refulerit. (nn) Faxit DEus, nē nos fal-
lat augurium! Vos vero, ô Nostri, qvi Salvatoris vestri Lumen
atq; Numen venerari debitô vultis modô, illud Poëtæ vobis ha-
beatis commendatissimum.

*Prospere Lux oritur, linguis animisq; favete,
Sunt dicenda bono jam bona verba d.e. (oo)*

Dabam Rigæ MDCCIV. ipso Nativit: Dom: Festo.

(11) Curt. lib. 8. (mm) Dion. Halic, I, §. ant. Rom. (nn) Svet in Aug.
(oo) Ovid, in fast. I, I, vers. 36.

